



## *Depenjer a la fascèna: na tradizion che no pel jir fora*

### STORIA

L'èrt del depenjer te Fascia é rica de significac leé a la religion e al divin e la nasc per se parèr da la meseria e da la desgrazies de la vita da zacan, ma ence da strionamenc, fatureces e autra cherdenzes magiches.

Fornir con simboi de gran significat la mobilia de stua, i èrc del lurier te ciamp o te cèsa l'é na carateristica del depenjer a la fascèna, n'èrt populèra che nasc apontin da la fe e dal besegn de troèr serenità e segurezza.

Vèrda chiò  
I tutorial:



### I SIMBOI

N é de desvaliva sorts (ve n meton dant demò vèlch un):

rosos, che stèsc per la prosperità e la continuità de la roda de la vita;

✓ monogram IHS, monogram de Gejù Crist; l'emperadora austriaca Maria Teresa spenjea per la दौरa de chest simbol, ence tel Tirol, lo che de spes l'vegn raprejentà ence apede la gherlanda de fiores, simbol cristian de la vita eterna e de la ressurezion, la Crousc i trei ciodi de la Crozefiscion, o l Sacro Cher;

✓ monogram de Maria;

✓ la resa con ucelin, emblem profan de la grazia e del amor; te l'iconografia cristièna la raprejenta l martirie de Crist, l'é leà ence a la Vergine Maria, a sia pureza; l ucelin l'é na metafora de la lijiereza, de la vejinanza a Maria e del destach spiritual;

✓ etres fiores da pra, fruc e gherlandes.

## Colores e testimonianzes

### FASSANERBLAU

Entorn l 1820 i pitores fascegn a la foresta scomenza a se emprevaler del color brun cobalt, n color sgalizent e lumenous fora de anter che doventa bele prest l carater distintif del depenjer fascian, l ciapa l inom de Fassanerblau.

### ETRES

Colores muie aprijé dai pitores fascegn l é ence l bol ros del Latemar e l bol òcher del Contrin. Se chier de miorèr i leames cromatics e la elaborazion de la decorazions.

I pitores fascegn, soraldut chi da la Val de sora, i cognea jir a se la vadagnèr al Lont; i partia da Fascia d'aisciuda per vegnir de retorn d'istà, e do amò demez d'uton. I troèa lurier ti mèjes e te la zitèdes del Sudtiroi e di etres paijes todesc.

### TEL KRIMMLER

I percorse più cognosciui fac dai pitores troa desvaliva testimonianzes, una sun dutes cheles lascèdes te la stua de la Krimmler Tauernhaus, tel raion de Salzburg.



SAERES. Tutorials de tradizions e mestieres fascegn. Con Fernando Brunel de la Riza. Na produzion Union di Ladins de Fascia metuda adum da Nives Iori e Nicoletta Riz.

Retrat di tulins depenc te stua de la Krimmler Tauernhaus, 2019.

Giovanazzi F, Pitores e colores, ICL, 2000. Riprejes e tai de Filmart television.